



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 03 » 11 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՅՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000103


Ձեռնարկողը՝

«Հայասա» ԱԿ

Արարատի մարզ, Երևան-Երասխա մայրուղի թիվ 40

Գործունեությունը՝ Շաղափի կրաքարերի հանքավայրի Շերտ-1 (բլոկ 1 C₁)
բացահանքի շրջակա միջավայրի վրա ազդեցության
գնահատման հաշվետվություն
Արարատի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

թիվ ԲՓ 000105

<03> 11 2020թ.

**Արարատի մարզի Շաղափի կրաքարերի հանքավայրի Շերտ-1
(բլոկ 1 C₁) բացահանքի շրջակա միջավայրի վրա ազդեցության
գնահատման հաշվետվություն**

Ներածական մաս.

Ձեռնարկող՝

«Հայասա»

Արտադրական կոդերատիվ

Փաստաթղթի տեսակը՝

Շրջակա միջավայրի վրա ազդեցության
գնահատման հաշվետվություն

«Ա» կատեգորիա

Տեղադրման վայրը՝

Արարատի մարզ, Ուրցաձոր համայնք

Արարատի մարզի Շաղափի կրաքարերի հանքավայրի Շերտ-1 (բլոկ 1 C₁)-ի բացահանքում «Հայասա» ԱԿ-ի կողմից նախատեսվում է իրականացնել օգտակար հանածոյի արդյունահանման աշխատանքներ:

Հանքավայրից հայցվող տարածքի մակերեսը կազմում է մոտ 1.6հա:

Շաղափի կրաքարի հանքավայրը գտնվում է Արարատի մարզում՝ Վեդի քաղաքից մոտ 11կմ արևմուտք, Շաղափ գյուղից՝ մոտ 2.7կմ հյուսիս-արևելք:

Հանքավայրից հայցվող տարածքը բնութագրվում է հետևյալ կողոփնատներով (Arm WGS-84 համակարգով).

1. 8486840.4577, 4416137.4267
2. 8486874.4378, 4416223.8558
3. 8486923.2570, 4416210.3636
4. 8486969.3376, 4416161.7377

5. 8487015.8703, 4416081.7638
6. 8486955.0000, 4416053.0000
7. 8486888.0046, 4416078.2291
8. 8486840.4577, 4416137.4267

Գործունեության համար նախատեսված տեղամասը գտնվում է ծովի մակերևույթից 1320-1380մ բարձրության վրա և ունի կտրտված առանձին բլուրներով արտահայտված ռելիեֆ:

Կլիման միջին լեռնային ցամաքային է (ամռանը մինչև +30°C, իսկ ծմալը՝ 10 հո. -15°C): Տարեկան միջին ջերմաստիճանը +15°C է: Մթնոլորտային տեղումների



Բացահանքը արևմտյան մասի մոտեցող ավտոճանապարհով փաստացի բացված է: Լեռնային աշխատանքները կարգաբերելու նպատակով նախատեսվում է հանքաստիճանների բացումը կատարել հարավ-արևմտյան մասից մոտեցող միջհանքային ավտոճանապարհից հորիզոնական բացող կիսախրամների անցումով:

Հանքավայրի լեռնատեխնիկական և լեռնաերկրաբանական պայմանները կանխորոշում են բացահանքի շահագործումը կատարել միակողանի ընդլայնական ընթացքաշերտերով մշակման համակարգով մակաբացման ապարները արտաքին լցակույտ տեղափոխելով:

Օգտակար հանածոյի ֆիզիկամեխանիկական հատկությունները կանխորոշում են նրա նախնական փխրեցումը արդյունահանման աշխատանքներից առաջ:

Նախնական փխրեցումը նախատեսվում է կատարել մեխանիկական եղանակով, Hyundai-220 էքսկավատորին սարքավորված DMM-230 հիդրավլիկ մուրճի միջոցով: DMM-230 հիդրավլիկ մուրճի հերթափոխային արտադրողականությունն ըստ տեղեկատու տվյալների կազմում է միջինը $170\text{մ}^3/\text{հերթ}$ կամ $23.6\text{մ}^3/\text{ժամ}$:

Հանքարդյունահանման աշխատանքները բացահանքում նախատեսվում է կատարել շուրջ տարի, 5-օրյա աշխատանքային շաբաթով: Աշխատանքների օրերի քանակը տարում ընդունված է 260 օր, հերթափոխի քանակը օրում՝ 1, հերթափոխի տևողությունը՝ 8 ժամ:

Օգտակար հանածոյի տեղափոխումը մինչև Արտաշատ քաղաքում գտնվող վերամշակման արտադրամաս (տեղափոխման հեռավորությունը 35կմ) և մակաբացման ապարների տեղափոխումը լցակույտ ($0,15\text{կմ}$) կատարվում է 10տ բեռնատարողությամբ ($V=6,0\text{մ}^3$) ԽՈՎԸԻ-5511 մակնիշի ավտոինքնաթափերի միջոցով:

Նախատեսվող արդյունահանման տեղանքում աղմուկի և տատանումների աղբյուր կարող են հանդիսանալ բացահանքը, լցակույտը և ավտոտրանսպորտային միջոցները: Ելակետային իրավիճակում հանքավայրի տարածքում աղմուկի մակարդակը ցածր է, գործնականում աղմուկի աղբյուրները մարդածին չեն:

Աշխատանքային հրապարակում առաջացող աղմուկի նվազեցման նպատակով մեքենաները պետք է սարքավորված լինեն ձայնախլացուցիչներով, որպեսզի աղմուկի մակարդակը բնակելի գոտում չգերազանցի նորմերը:

Բացահանքից մթնոլորտ են արտանետվում փոշի և գազեր: Մեկ տարում առաջացող փոշու քանակը կլինի 0.208տ/տարի :

Բացահանքում ինքնաթափերով մակաբացման ապարները տեղափոխվում են արտաքին լցակույտ $0,15\text{կմ}$ հեռավորության վրա, իսկ օգտակար հանածոն՝ մինչև վերամշակման արտադրամաս:

Լցակույտը կազմակերպվում է բացահանքին զուգահեռ, որի տարեկան միջին գործող մակերեսը կազմում է 200մ^2 : Լցակույտի տարածքը տարեկան 4 ամիս (մոտ 120 օր) գտնվում է խոնավ պայմաններում և այդ ժամանակահատվածում փոշիացում տեղի չի ունենում: Լցակույտի տարեկան արտանետումը կկազմի 1.32տ/տարի :

Փոշու արտանետումների քանակը խիստ նվազեցնելու նպատակով նախագծով նախատեսվում է թաց հորատում, հանվող և բարձվող ապարների թրջում և ճանապարհների ջրցանում չոր եղանակներին, լցակույտի ռեկուլտիվացիա: Այս միջոցառումները թույլ կտան փոշու արտանետումները կրճատել $80-90\%$ -ով:

Գազերի (վնասակար նյութերի) արտանետումները կախված են բացահանքում աշխատող մեքենաների ու սարքավորումների շարժիչներում տարբեր վառելիքների ծախսերի հետ:

Բացահանքի ջրամատակարարումը կկատարվի բացահանքի արդյունաբերական հրապարակը խմելու ջրով ապահովելու, աշխատանքային



հանքախորշերը և մուտքային ավտոճանապարհները փոշենստեցման նպատակով ջրելու համար: Խմելու ջուրը բերվում է ՃԹ-1,2 մակնիշի կցովի ցիստեռնով պայմանագրային կարգով: Տեխնիկական ջուրը մատակարարվում է KO-002 մակնիշի ջրցան – լվացող ավտոմեքենայով պայմանագրային կարգով:

Հանքավայրի տարածքում երկրաբանական ուսումնասիրության և շահագործման աշխատանքների ընթացքում կատարվել են հիդրոերկրաբանական հետազոտություններ, ինչով հաստատվել է գրունտային ջրերի հորգոնների բացակայությունը: Հանքավայրի տարածքում կարստային դատարկություններ և գրունտային ջրերի հորիզոններ չկան:

Հանքավայրից 1.3կմ հյուսիս հոսում է Սելավ գետը՝ Վեդի գետի ձախ վտակը:

Շաղափի հանքավայրի շրջանի հողաձածկույթը ներկայացված է լեռնամարգագետնային, դարչնագույն անտառային, շագանակագույն, գորշ կիսաանապատային հողերով և սևահողերով:

Նախատեսվող գործունեության տարածքում ՀՀ Կարմիր գրքում գրանցված կենդանիների և բույսերի տեսակներ հայտնաբերված չեն: Շաղափի կրաքարի հանքավայրի տարածքը չի առնչվում բնապահպանական տեսանկյունից խոցելի կամ բնության հատուկ պահպանվող տարածքների հետ:

Արդյունահանման աշխատանքների շահագործման ընթացքում շրջակա միջավայրի վրա բացասական ազդեցությունը կանխարգելելու և մեղմելու նպատակով մշակվել են միջոցառումների ծրագիր ուղղված՝ մթնոլորտային օդի, հողային, կենսաբազմազանության պահպանությանը: Նախատեսվել են նաև աշխատանքային միջավայրում աշխատողների անվտանգությանը, արտակարգ իրավիճակների արձագանքմանը, հնարավոր սոցիալական ազդեցությունների մեղմմանն ու կանխարգելմանն ուղղված միջոցառումներ: Բոլոր միջոցառումներն իրենց գործողություններով ամփոփվել են բնապահպանական կառավարման և մոնիթորինգի պլաններում:

Ընկերության կողմից, արդյունահանմանը զուգընթաց իրականացնելու է շրջակա միջավայրի վրա բացասական ազդեցության կանխարգելմանն և մեղմացմանն ուղղված մշտադիտարկումներ, որոնք ներառվել են բնապահպանական մշտադիտարկումների պլանում և որպես օբյեկտներ դիտարկվել են՝ մթնոլորտային օդը, հողային ձածկույթը, կենսաբազմազանությունը:

Հանքավայրի շահագործման հետևանքով աղտոտող նյութերի արտանետումներից տնտեսությանը հասցված տնտեսական վնասը գնահատվում է տարեկան առավելագույնը՝ 1.49մլն.դրամ:

Եզրափակիչ մաս: Նախատեսվող գործունեության ՇՄԱԳ հաշվետվության փորձաքննությունն իրականացվել է «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի պահանջներով: Գնահատման և փորձաքննության փուլերում գործունեության իրականացման վերաբերյալ Արարատի մարզի Ուրցաձոր համայնքում անցկացվել են հանրային քննարկումներ: Փորձաքննական գործընթացին մասնակցել են պետական և տեղական ինքնակառավարման մարմինները, շրջակա միջավայրի նախարարության ստորաբաժանումները, առողջապահության նախարարությունը, որից կործից ներկայացված կարծիքները ևս հաշվի են առնվել փորձաքննության գործընթացում: ՇՄԱԳ հաշվետվությունում ներկայացված բնապահպանական միջոցառումների և մոնիթորինգի գործողությունների իրականացման դեպքում գործունեության իրականացման ընթացքում օդի ու հողի աղտոտվածությունը կգտնվի թույլատրելի



նորմերի սահմաններում և կենսաբազմազանության վրա հնարավոր ազդեցության
ռիսկերը նվազագույն կլինեն:

Փորձաքննական պահանջներ

1. Հանքարդյունահանման աշխատանքների իրականացման ընթացքում
անհրաժեշտ է առաջնորդվել 22 փետրվարի 2018թ. N191-Ն որոշման
պահանջներով՝ շրջակա միջավայրի բաղադրիչների /մթնոլորտային օդ,
հողային ծածկույթ, կենսաբազմազանություն/ մշտադիտարկումների
արդյունքների տարեկան հաշվետվությունը՝ ՀՀ կառավարության 2018թ.
փետրվարի 22-ի N191-Ն որոշմամբ սահմանված ժամկետներում և ձևաչափով
ներկայացնել լիազոր մարմին:
2. Գործունեության իրականացման ընթացքում անհրաժեշտ է ապահովել և
պահպանել բնապահպանական կառավարման պլանում և մշտադիտարկման
ծրագրում նախատեսված միջոցառումների իրականացումը և
ժամանակացույցերը:
3. Նախատեսվող գործունեության իրականացման ընթացքում ՀՀ
Օրենսդրությամբ սահմանված կարգով պահպանել արտանետվող փոշու,
առաջացող աղմուկի, թրթռումների թույլատրելի մակարդակները, արտակարգ
իրավիճակների և աշխատանքի անվտանգության կանոններն ու նորմերը:

ԵԶՐԱԿԱՑՈՒԹՅՈՒՆ

«Հայասա» արտադրական կոոպերատիվի կողմից ներկայացված Արարատի
մարզի Շաղափի կրաքարերի հանքավայրի Շերտ-1 (բլոկ 1 C₁) բացահանքի շրջակա
միջավայրի վրա ազդեցության գնահատման հաշվետվության վերաբերյալ տրվում է
դրական եզրակացություն՝ վերը նշված փորձաքննական պահանջների պարտադիր
կատարման պայմանով:

Տնօրենի տեղակալ՝

Մասնագետ՝



Գ. Գևորգյան

Մ. Ավետիսյան